

जाग जाग परले रा पंछी,
दोहा प्रभाते सिमरण करे,
लीजे हरि रो नाम,
भूखों ने भोजन मिले,
घर पतियों ने काम ।

जाग जाग परले रा पंछी,
थारी उमर ऐल गमे,
परो जाग माया रा लोभी,
अवस्था ऐल गमे ॥

माता जसोदा कोन्ह जगोवे,
सुतो केम करे,
भई प्रभात भजन री वेला,
पंछिड़ा चुन करे,
जाग जाग परलें रा पंछी,
थारी उमर ऐल गमे ॥

आयो तो रे बंधा कवल करेने,
माया रे संग रेवे,
मीठे रे कारण मोह लगायो,
जीव थारो जाल में पड़े,
जाग जाग परलें रा पंछी,

थारी उमर ऐल गमे ॥

पाँव दिया बन्दा हलण चलण ने,
कर सुं दान करे,
जिब्या दिनी थने भजन करण ने,
श्रवण ज्ञान सुणे,
जाग जाग परलें रा पंछी,
थारी उमर ऐल गमे ॥

चादर देख म्हे शरणों लिनो,
जामण ज्यूँ ही रवे,
अटल भोम म्हाने गुरु जी बताई,
बैठो केम करे,
जाग जाग परलें रा पंछी,
थारी उमर ऐल गमे ॥

चादर देख ने शरण में आया,
शरणों में ध्यान धरे,
केवे रे प्राग स्वामी हाजर रेहणा,
दुर्गम राम मिले,
जाग जाग परलें रा पंछी,
थारी उमर ऐल गमे ॥

जाग जाग परलें रा पंछी,
थारी उमर ऐल गमे,
परो जाग माया रा लोभी,
अवस्था ऐल गमे ॥

प्रेषक दिनेश पांचाल बुड़ीवाड़ा
8003827398

Source: <https://www.bharattemples.com/jag-jag-parle-ra-panchi-prabhati-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>